



Zgjedhjet parlamentare 2015

Zgjedhjet parlamentare

Zgjedhjet parlamentare mbahen cdo katër vjet. Nëpërmjet zgjedhjeve do të zgjidhen 200 kandidatë parlamenti që do të vendosin për çështjet tona të përbashkëta. Zgjedhjet parlamentare 2015 do të mbahen të djelën, 19.4.2015.

Detyrat e parlamentit

Sipas kushtetutës së Finlandës, në Finlandë pushteti i takon popullit. Populli zgjedh parlamentin që të vendosë për çështje të ndryshme. Detyra më e rëndësishme e parlamentit është hartimi i ligjeve që rregullojnë funksionimin e shoqërisë. Detyra e dytë më e rëndësishme e parlamentit është të vendosë për parashikimin e buxhetit të shtetit. Në parashikim përcaktohet se nga i merr paratë shteti dhe ku i përdor ato. Parlamenti ka për detyrë edhe të mbikqyrë administrimin e ekonomisë së shtetit. Parlamenti zgjedh kryeministrin e qeverisë dhe mbikqyr funksionimin e qeverisë. Gjithashtu, parlamenti vendos për qëndrimin e Finlandës ndaj shumë çështjeve të Bashkimit European.

Kush ka të drejtë të votojë?

Në zgjedhjet parlamentare mund të votojë cdo shtetas i Finlandës, që ka mbushur moshën 18-vjeç jo më vonë se ditën e zgjedhjeve 19.4.2015. Nëse keni të drejtë të votoni në zgjedhjet parlamentare, atëherë do të merrni një njoftim për votim me postë. Ajo do të postohet në mars. Në njoftim gjendet emri juaj, dita e zgjedhjeve, koha për votim paraprak dhe informacion për vendin ku do të votoni në ditën e zgjedhjeve. Bashkë me njoftimin për votim do të merrni edhe një listë me vendet ku mund të votoni paraprakisht, pranë vendbanimit tuaj, si dhe informacione të tjera të rëndësishme për zgjedhjet.

Kush mund të votohet?

Mund të votoni personin i cili është kandidat në zgjedhjet parlamentare, në zonën tuaj zgjedhore. Finlanda ndahet në 13 zona zgjedhore. Cdo zonë zgjedhore ka kandidatët e saj. Informacionin për zonën tuaj zgjedhore do ta gjeni në njoftimin për votim. Informacione për kandidatët mund të gjeni, p.sh., në gazetë, televizion ose në adresën e internetit www.vaalit.fi. Cdo kandidat ka numrin e vet. Numrat e kandidatëve të zonës tuaj zgjedhore, gjenden, ndër të tjera, edhe në qendrat e votimit. Numrat duken edhe në pjesën e sipërme të reklamave të kandidatëve për deputetë.

Fshehtësia në zgjedhje

Secili vendos vetë nëse do të votojë. Gjithashtu, secili vendos vetë për kandidatin që do të votojë. E drejta e votës përfshin edhe fshehtësinë e votës. Kjo do të thotë se ti nuk ke pse t'i tregosh dikujt se cilin kandidat votove.

Kur mund të votohet?

Në zgjedhjet parlamentare mund të votoni ditën e zgjedhjeve ose para saj, gjatë votimit paraprak.

Votimi në ditën e zgjedhjeve

Data e zgjedhjeve është, e djel 19.4.2015. Ditën e zgjedhjeve, qendrat e votimit janë hapur nga ora 9–20. Mund të votoni vetëm në atë qendër votimi, që shkruhet në njoftimin për votim.

Votimi paraprak

Nëse nuk mundësh ose nuk dëshiron të votoni ditën e zgjedhjeve, atëherë mund të votoni paraprakisht. Mund të votoni në cdo qendër të votimit paraprak në Finlandë ose jashtë shtetit. Votimi paraprak fillon në 8.4.2015 dhe mbaron në 14.4.2015. Oraret e hapjes së qendrave të votimit paraprak mund t'i gjeni në listën që do të merrni bashkë me njoftimin për votim ose në adresën www.vaalit.fi

Kush mund t'ju ndihmojë?

Nëpunësit zgjedhorë dhe ndihmësit zgjedhorë do t'ju ndihmojnë dhe këshillojnë për cdo vështirësi. Nëse keni nevojë për ndihmë gjatë votimit, mund të kërkoni një ndihmës zgjedhor që të vijë në kabinën e votimit për t'ju ndihmuar. Ndhmës zgjedhor mund të punojë edhe një person që është zgjedhur nga ju vetë. Ndhmësi zgjedhor nuk mund t'i tregojë askujt se cilin kandidat votuat.

Votimi në shtëpi

Nëse jeni person me aftësi të mëdha të kufizuara ose vuani nga sëmundje e gjatë, atëherë mund të votoni në shtëpi paraprakisht. Njoftoni komisionin zgjedhor qendror të komunës tuaj, me telefon ose nëpërmjet formularit para datës 7.4.2015 ora 16. Numrin e telefonit të komisionit zgjedhor do ta gjeni në njoftimin për votim. Edhe kujdestarja juaj mund të njoftojë nëse dëshiron të votojë nga shtëpia. Në spitale dhe në institucione të tjera mund të votohet paraprakisht nëse personi po kurohet atje.

Para votimit

Merrni me vete një dokument identifikimi, për shembull, pasaportën, letërnjoftimin, patentën e automjetit ose ndonjë dokument tjetër zyrtar identifikimi me fotografi. Në vendin e votimit ju prej nëpunësi zgjedhor. Ai kontrollon identitetin tuaj dhe ju jep fletën e votimit.

Kështu votohet ditën e votimit

1. Shkoni të plotësoni fletën e votimit në kabinën e votimit. Shkruajeni qartë në fletën e votimit numrin e kandidatit që do të votoni. Mund të votoni vetëm një kandidat. Nëse nuk ju kujtohet numri i kandidatit, atëherë kontrollonje atë në listën që gjendet në murin e kabinës së votimit. Mos shkruani asgjë tjetër në fletën e votimit, përveç numrit të kandidatit tuaj.
2. Palose fletën e votimit në mes, që askush të mos e shohë numrin. Në fletën e votimit është shënuar vendi ku paloset.

3. Kthehuni te nëpunësi zgjedhor. Nëpunësi zgjedhor vulos fletën e palosur të votimit.

4. Futeni fletën e palosur të votimit në kutinë e votimit.

Kështu votohet paraprakisht

1. Shkoni të plotësoni fletën e votimit në kabinën e votimit. Shkruajeni qartë në fletën e votimit numrin e kandidatit që do të votoni. Mund të votoni vetëm një kandidat. Nëse nuk ju kujtohet numri i kandidatit, athëerhe kontrolloje atë në listën e kandidatëve që gjendet në vendin e votimit paraprak. Mos shkruani asgjë tjetër në fletën e votimit, përveç numrit të kandidatit tuaj.

2. Paloseni fletën e votimit në mes, që askush të mos e shohë numrin. Në fletën e votimit është shënuar vendi ku paloset.

3. Pasi ta plotësoni fletën e votimit, kthehuni te nëpunësi zgjedhor. Nëpunësi zgjedhor vulos fletën e palosur të votimit dhe ju jep një zarf të kaftë votimi. Vendoseni fletën e votimit në zarf dhe mbylleni zarfin.

4. Pastaj nëpunësi zgjedhor do t'ju kërkojë ta nënshkruani formularin. Duke e nënshkruar ju siguroni se e keni plotësuar vetë fletën e votimit dhe vetë e keni futur atë në zarf.

5. Në fund nëpunësi zgjedhor fut zarfin dhe formularin që keni nënshkruar, në një zarf tjetër poste dhe e dërgon në komisionin qendror të zgjedhjeve.

Kështu bëhet votimi dhe mund të largoheni nga qendra e votimit.

Broshura gjendet në internet në adresën www.vaalit.fi dhe www.papunet.net/selko

Ministria e Drejtësisë

Qendra për komunikim të thjeshtuar Selkokeskus